

共六本

幼幼集成

地



鼎鑊幼集成卷之二

羅浮陳復正飛霞氏輯

廬陵劉勤家孟氏校

滋陽周宗頤虛中氏定

金谿周光齊頤堂氏重校

○胎病論

兒之初生有病亦惟胎弱胎毒二者而已矣胎弱者稟受於氣之不足也子於父母一體而分而稟受不可不察如稟肺氣爲皮毛肺氣不足則皮薄怯寒毛髮不生稟心氣爲血脈心氣不足則血不華色面無光彩受脾氣爲肉脾氣不足則肌肉不生手足如削受肝氣爲筋肝氣不足則筋不束骨機關不利受腎氣爲骨腎氣不足則骨節軟弱久不能行此皆胎

稟之病隨其臟氣而求之所謂父強母弱生女必羸父弱母
強生兒必弱故小兒有頭破顱解神慢氣怯項軟頭傾手足
痿軟齒生不齊髮生不黑行住坐立須人扶掖者此皆胎稟
不足之故也

胎毒者即父母命門相火之毒也命門者男子以藏精女子以
繫胞道家謂之下丹田也夫二五之精妙合而凝純粹之精
鏽液而成胎淫佚之火蓄之則爲胎毒矣蓋人生而靜天之
性也感物而動人之欲也成胎之後其母之關係尤繁凡思
慮火起於心悲怒火生於肝悲哀火鬱於肺甘肥火積於脾
淫縱火發於腎五欲之火隱於母胞遂結爲胎毒凡胎毒之
發如蟲疥流丹淫瘡癰癤結核重舌木舌驚口口瘡與夫胎

熱胎寒胎搐胎黃之類是也若夫七日之臍風百日之痰厥
半歲之真搐一週之流丹此又毒之至酷至烈而不可解也
胎寒者母娠時患熱病多服寒涼之藥又或過食生冷受
之生後昏昏多睡閒或覓乳瀉白此內因也或百日之內忽
病戰慄口冷手足踈曲不伸腹痛啼叫不止此生後受寒得
之治宜溫散指迷七氣湯助胃膏爲佳

胎熱者母娠時喜食辛熱炙煇之物或患熱病失於清解使兒
受之生後目閉面赤眼胞浮腫脊身呢呢作聲或啼叫驚煩
遍身壯熱小便黃澁此熱也若不早治則丹瘤瘡癰由此而
至宜集成沆瀣丹徐服解之以平爲度

胎搐者母娠時曾因驚恐氣傳於子生後頻頻作搐其後身熱

面青手足搐搦牙關緊閉腰直身僵睛邪目閉多啼不乳此
乃胎癰不治之證如因身有熱而作者必先啼叫雖曰胎癰
由外因也宜天麻丸後以六味地黃湯滋其化源久服自愈
盤腸氣者幼科稱內吊者是也皆因胎氣鬱積壅結榮衛五臟
六腑無一舒暢其氣不能升降築隘腸胃之間抵心而痛其
聲輾轉如猫吐惡乾啼口開手足皆冷宜疎散通氣調中散
及木香丸

臍突者小兒多啼所致也臍之下爲氣海啼哭不止則觸動氣
海氣動於中則臍突於外其狀突出光浮如吹起者捏之則
微有聲用亂髮燒灰枯礬等分爲細末敷突臍上以膏藥貼
之自消

不乳者小兒生下二三日間忽然不乳當詢問之勿以不乳作
臍風治蓋臍風有多啼撮口之證此則無之但不乳并有吐
乳乳之又吐者或因拭口不淨惡穢入腹也宜用檳榔水香
甘草煎湯與服如啼哭不乳者腹痛也亦胎寒之證宜用香
丁香乳香當歸甘草煎湯與服如無已上諸證無故不乳宜
問其母之乳汁多小乳多者傷乳也宜少節之不久自出
矣乳少者必有他證細心察之

胎黃者兒生下面目渾身皆黃如金色或目閉身上壯熱大便
不通小便如梔子汁皮膚生瘡不思乳食啼哭不止此胎中
受溼熱也宜茵陳地黃湯母子同服以黃退為度

胎肥者兒生下遍身肌厚肉色通紅面色亦紅而黑睛多時時

生煖自滿月以後漸漸肌瘦五心熱而大便雖白睛粉紅色
此名胎肥是亦在胎時母食甘肥溼熱太過流入胞中以致
形質虛肥血分壅熱也加減大連翹飲外以浴體法浴之
胎怯時生下面無精光肌肉瘦薄大便白而身無血色皆無精
彩時時更氣多噫者此即胎怯也非育於父母之暮年即生
於產多之孕婦成胎之際元精既已濫瀉受胎之後氣血
難長養以致生來怯弱若後天調理得宜者十可保全一二
調元散助之

入方

括迷七氣湯

一切腹痛寒熱多啼不乳等證皆由陰陽不升降氣道壅塞

而然並宜此方凡人身內之氣呼吸出入無刻不與天道
陽之氣通故六淫外襲前感而致病愈受之理也內氣閉塞
則天道不通升者不升降者不降寒熱由此而生也是方疎
利臟腑神化無方最宜領會

廣陳皮 杭青皮 藿香葉 芽桔梗 蓬莪朮

法半夏 上肉桂 公丁香 益智仁 老生薑 大紅棗

炙甘草 右咬咀水二碗煎至一碗母子同服

助胃膏 治胎寒內傷胃氣虛弱胸脇脹滿嘔乳便毒

白豆蔻 肉豆蔻 麝香包煨 官揀參 廣木香 各兩 公丁香 三錢

藁藥葉 雲茯苓 漂白朮 土炒 真青桂 西砂仁 炙甘草

醋一廣陳皮 一兩 洋沉香 二錢 淮山藥 一兩

爲末蜜丸芡實大每一丸炒米湯化服

集成沆瀣丹

音九概北斗夜半所降之甘露也

治小兒一切胎毒胎熱胎黃

面赤目閉驚口口瘡重舌木舌喉閉乳蛾渾身壯熱小便黃

赤大便閉結麻疹斑癩遊風癰疥流丹癰疹痰食風熱疳積

面腫十種火丹諸般風搐並皆神效

此方古書未載得之異授微似古之神膏丸近有能者妙製

化裁而增損之遂爲幼科有一無二之神方作三焦之主治

蓋凡臟氣流通者必不鬱滯或受毒於胎前或感邪於誕後

遂爾出氣抑鬱則見以前諸證方內所有黃芩清下焦之熱

黃柏清上焦之熱大黃清中焦之熱又藉其有推陳致新之

功活血除煩之力能導三焦鬱火從魄門而出猶慮苦寒凝



臑復加檳榔枳殼之辛散爲行氣利痰之佐使川芎薄荷引
頭面風熱從高而下趨連翹解毒除煩赤芍調榮活絡華年
利水走氣分而舒鬱滑石清潤抑陽火而扶陰又能引熱
從小便而出用治以前有餘諸證應如桴鼓予生平最慎攻
伐惟此方用之最久功效莫能殫述真濟世之良方也

杭川芎九錢酒洗錦莊黃九錢酒蒸實黃芩九錢酒炒厚黃柏九錢酒炒

黑牽牛炒取頭薄荷葉四錢粉滑石六錢大檳榔七錢五分

陳枳殼四錢五淨連翹除心隔京赤芍六錢

右十味依方炮製和勻焙燥研極細末煉蜜爲丸如芡實大

月內之兒每服一丸稍大者二丸俱用茶湯化服乳母切忌

油膩但覺微有泄瀉則藥力行病卽減矣如不泄再服之重

病每日三服以愈為度此方斷不峻厲幸毋疑畏惟胎寒胎怯面青白者忌之

天麻丸 治胎搐先以此丸通其經絡次服地黃丸

明天麻薑法製半夏 北防丰 川羌活 牛胆星

北全蝎各五錢 為末蜜丸芡實大每一丸鈎藤湯下

六味地黃丸 即仲景所製金匱地黃丸原治腎水虧損小便

淋瀝頭目眩暈腰腿酸軟陰虛發熱自汗盜汗憔悴瘦弱精

神疲困壯水之主以制陽光此方是也○錢仲陽以之治小

兒胎怯稟受先天不足併肝疳白膜遮睛瀉血失音身瘦瘡

疥腎怯語遲解顛行遲等證○薛立齋又以治小兒肝經血

虛燥熱腎經虛熱作渴小便淋秘痰氣上壅或風淫客氣癰

癰結核或四肢搐搦眼目瞶音動或欬血吐血頭目眩暈或
咽喉燥痛口舌生瘡或稟腎不足解顛失首五遲五軟腎病
肝病凡腎肝不足之證皆宜用此以滋化源其功不能盡述
予按錢薛二翁能用此方治小兒先天不足誠卓然有識者
予所敬佩奈今之小兒體質元氣更不及前古以地黃丸為
補劑今則實為涼劑矣此藥用於陰虛枯燥者誠為得宜
兒肌肥面白脾弱多痰者服此必致臍膈變生他證其害不
小非方之不良由今稟受愈薄也予故為之斟酌其炮製必
使地黃陰凝之質稍近陽和不致沉寒洩瀉始能免臍膈損
脾之患矣

大懷地

四兩以西砂仁一兩不必隨碎生薑二兩切片縫一
小夏布袋盛此二味同地黃入砂鍋以水煮兩晝夜

方入好酒煮一晝夜以地黃藥煨為白雲苓二兩乳懷山藥
度取起其袋不用以地黃搗膏聽候二兩乳汁蒸曬淨棗皮二兩粉丹皮一兩宣澤瀉一兩焦
汁蒸曬二兩研粉丹皮一兩宣澤瀉一兩焦

右依炮製和勻一處焙燥研為細末和前地黃膏少加煉蜜

石臼內杵勻重一錢一顆半週二歲者每用一九五歲者

二九俱坐腹鹽湯化下倘凡一時未備即以前藥十分之一

但宜炮製不可生用水煎服之名六味地黃湯功效更捷

調中散治嬰孩盤腸氣腹內築痛

青木香 川練子 暗沒藥 白雲苓 上青桂

杭青皮 萊服子 陳枳殼 尖檳榔 炙甘草

等分人葱白二寸鹽一錢水煎空心服

茵陳地黃湯治小兒初誕面白渾身其黃如金胎中受淫也

懷生地 京赤芍 正川芎 大當歸 天花粉

赤茯苓 結猪苓 茵陳藁 宣澤瀉

諸藥隨時定分兩水煎母子同服

大連翹飲 治胎肥解熱毒

淨連翹 瞿麥穗 白滑石 牛旁子 車前子 川木通

北防風 炒梔仁 片黃芩 京芩穗 大當歸 北柴胡

京赤芍 淨蟬蛻 炙甘草 竹葉子片 燈心十莖 小煎服

浴體法 治胎肥

明天麻 錢 淨全蝎 去毒 箭硃砂 各五分 烏蛇肉 浸

枯白礬 洋青黛 各三錢 真麝香 分 共研勻 每用三錢水

三碗桃枝 握同煎 十沸溫熱浴之 但勿浴背



調元散 治胎怯

揀人參 漂白朮 白茯苓 化橘紅 大當歸 甘枸杞

炙甘草 鎔二陳粳米三 爲末每服二三錢龍眼煎湯調下

八味地黃丸 治稟受先天不足 卽前六味地黃丸加青

桂一兩熟川附一兩治稟賦命門火衰凡齒遲語遲行遲顛

門開大腎疳等證或火衰不能生土以致脾土虛寒不思乳

食臍腹疼痛夜多漩溺皆稟先天不足百晬周時卽有虛病

腎病能從幼填補亦多可復此方用水煎名八味地黃湯經

曰益火之源以消陰翳此之謂也凡乳母肥白者母子同服

（驚風闕妄

喻嘉言曰驚風一門古人鑒空妄談後世之小兒受其害者不

知千百億兆蓋小兒初生陰氣未足性稟純陽身內易致生
熱熱盛則生風生痰亦所恒有乃以驚風命名隨有公候之
目夫小兒腠理不密更易感冒寒邪寒邪中人必先入太陽
經太陽之脈起於目內眥上額交巔還出別下項夾脊抵腰
中是以病則筋脈牽強遂有抽搐搦種種不通之症安用
金石腦麝開關鎮墜之藥引邪深入臟腑千中千死徒據
兒八歲以前無傷寒之說而驚風一門殊不知小兒不耐
傷寒故初傳太陽一經早已身強多汗筋脈牽強人事昏沉
病勢已極湯藥妄投危亡接踵何由得至傳經解散哉故言
小兒無傷寒也不知小兒易於外感惟傷寒爲獨多而世之
妄稱驚風者卽此也是以小兒傷寒要在三日內卽愈者爲

貴者至傳經則無方耐之矣且傷寒門中剛瘧無汗柔瘧有汗小兒剛瘧少柔瘧多世俗見其汗出不止神昏不醒便以慢驚爲名妄用參耆朮附閉塞腠理熱邪不得外越小兒大害但比金石差減耳所以凡治小兒之熱切須審其本元虛實察其外邪重輕或陰或陽或表或裏但當徹其外邪出表不當固邪入裏也仲景原有桂枝湯舍而不用徒事驚風輩釐千里害豈勝言哉

又曰小兒體脆神怯不耐外感壯熱多成瘧病後世多以驚風立名有四證八候之鑿說實則指瘧病之頭搖手勁者爲驚風之抽掣指瘧病之卒口噤脚攣急者爲驚風之搐搦指瘧病之背反張者爲驚風之角弓反張幼科倉然宗之病家坦